

THE KENYA NATIONAL EXAMINATIONS COUNCIL



**KISWAHILI
SEHEMU YA KWANZA:
LUGHA
SKILL**

KCPE 2011

Muda: Saa 1 dakika 40

**MAAGIZO KWA WATAHINIWA
SOMA KWA MAKINI MAAGIZO YAFUATAYO:**

1. Umepewa kijitabu hiki cha maswali na karatasi ya kujibia. Kijitabu hiki kina maswali 50.
2. Ukisha chagua jibu lako lionyeshe katika KARATASI YA MAJIBU na wala sio katika kijitabu hiki cha maswali.

JINSI YA KUTUMIA KARATASI YA MAJIBU

3. Tumia penseli ya kawaida.
4. Hakikisha ya kwamba umeandika yafuatayo katika karatasi ya majibu:
NAMBA YAKO YA MTIHANI
JINA LAKO
JINA LA SHULE YAKO
5. Kwa kuchora kistari katika visanduku vyenye namba zinazokuhusu, onyesha namba yako kamili ya mtihani (yaani namba ya shule, na zile namba tatu za mtahiniwa) katika sehemu iliyotengwa mwanzo wa karatasi ya majibu.
6. Usitie alama zozote nje ya visanduku.
7. Iweke safi karatasi yako ya majibu na usiikunje.
8. Kwa kila swali 1 – 50 umepewa majibu manne. Majibu hayo yameonyeshwa kwa herufi A, B, C, D. Ni jibu MOJA tu kati ya hayo manne ambalo ni sahihi. Chagua jibu hilo.
9. Kwenye karatasi ya majibu, jibu sahihi lionyeshwe kwa kuchora kistari katika kisanduku chenyе herufi uliyochagua kuwa ndilo jibu.

Mfano:

Katika kijitabu cha maswali:

21. ‘Tunakimbiana’ maana yake ni:

- A. Tunaogopana
- B. Tunahepana
- C. Tunasaidiana
- D. Tunachukiana

Jibu sahihi ni B

Katika karatasi ya majibu:

- [] [A] [B] [C] [D] [] [A] [B] [C] [D] [] [A] [B] [C] [D] [] [A] [B] [C] [D]

Katika visanduku vinavyoonyesha majibu ya swali namba 21, kisanduku chenyе herufi B ndicho kilichochorwa kistari.

10. Chora kistari chako vizuri. Kistari chako kiwe cheusi na kisijitokeze nje ya kisanduku.
11. Kwa kila swali, chora kistari katika kisanduku kimoja tu kati ya visanduku vinne uliyopewa.



901504

Kijitabu hiki cha maswali kina kurasa 7 zilizopigwa chapa.

© The Kenya National Examinations Council, 2011



FUNGUA UKURASA

Maswali 1 mpaka 15.

Soma vifungu vifuatavyo. Vina nafasi 1 mpaka 15. Kwa kila nafasi umepewa majibu manne hapo. Chagua jibu lifaalo zaidi kati ya yale uliyopewa.

Wakazi wa vitongoji duni 1 na matatizo mengi. Asilimia kubwa ya waja hapa 2 3 aila. 4, katika mitaa ya mabwanyenye 5 na vitongoji hivi, hali ni tofauti; majumba yenye kuvutia yamepamba mazingira humo. Maisha ya makundi haya mawili 6. Wana wa matajiri hupata mahitaji 7 huku maskini 8 kwa ukosefu. Ama kwa kweli 9.

1. A. wametwaliwa B. wamekabidhiwa C. wametengwa D. wametingwa
2. A. haiwezi B. hawawezi C. haziwezi D. hamuwezi
3. A. kumkimu B. kuzikimu C. kujikimu D. kuwakimu
4. A. Labda B. Kwa hivyo C. Hata hivyo D. Ingawa
5. A. waliyopakana B. iliyopakana C. uliyopakana D. yaliyopakana
6. A. yamebaidika kama ardhi na mbingu. B. yameadimika kama wali wa daku.
C. yameingia kati kama mchuzi wa ugali. D. yamejikauzia kama ukuni.
7. A. zote B. yote C. nyote D. sote
8. A. wakila mwata B. wakila mwande C. wakila yamini D. wakila hasara
9. A. dua la kuku halimpati mwewe B. bidii ya injia haiondoi kudura
C. dau la mnyonge haliendi joshi D. mtegemea nundu haachi kunona

Tina alijua kwamba alihitaji kutia bidii masomoni asije 10 shule. Kijijini mwao ilikuwa kawaida wasichana 11 nafasi katika elimu. Palipotokea uhaba 12 karo, masomo ya msichana 13 huku mvulana akiendelea na elimu. Mara hii Tina aliamua kutia bidii ili angaa Mwalimu Mkuu amtafutie mhisani 14. Kwa njia hii Tina 15 namna fulani ya kuliokoa tabaka lake.

10. A. akaachishwa B. akaachiwa C. akaachilia D. akaachia
11. A. kunyanyaswa B. kubadilishiwa C. kudhulumiwa D. kupunguzwa
12. A. ya B. kwa C. wa D. na
13. A. yangekatizwa B. yanakatizwa C. yakikatizwa D. yakakatizwa
14. A. ayathamini masomo yake B. amthamini masomo yake
C. amdhamini masomo yake D. ayadhamini masomo yake
15. A. alitarajia alipata B. alijihimu alipata C. alijihimu kupata D. alitarajia kupata

Kutoka swali la 16 mpaka 30, chagua jibu lililo sahihi.

16. Sentensi inayounganisha sentensi: "Juma ni mzee. Juma anasoma kitabu bila miwani", kisahihii ni:
- A. Juma ni mzee maadamu anasoma kitabu bila miwani.
 - B. Juma anasoma kitabu bila miwani licha ya kuwa yeche ni mzee.
 - C. Juma ni mzee madhali anasoma kitabu bila miwani.
 - D. Juma anasoma kitabu bila miwani minghairi ya yeche ni mzee.
17. Ki katika sentensi; "Mwanafunzi huyo akikuona atatembea kijeshi", imetumiwa kuonyesha:
- A. Masharti, nomino.
 - B. Wakati, nomino.
 - C. Masharti, namna.
 - D. Wakati, namna.
18. Chagua neno ambalo limetumia silabi changamano:
- A. Mbuga.
 - B. Kituta.
 - C. Ziwa.
 - D. Utulivu.
19. Kamilisha, 'Fahamikiana kama _____'
- A. sahani na kawa
 - B. kinu na mchi
 - C. pua na mdomo
 - D. tui na maziwa.
20. Chagua sentensi yenyeye vivumishi:
- A. Mwashi amejenga nyumba juu ya mlima.
 - B. Yule aliimba vizuri mno akatuzwa
 - C. Nokoa atafika hapa hivi punde.
 - D. Wanafunzi wengi walifauli mtihani huo.
21. Ni sentensi ipi ambayo imetumia 'kwa' kuonyesha schemu ya kitu?
- A. Alitembea moja kwa moja hadi shulenii.
 - B. Wazee kwa vijana walihudhuria sherehe hiyo.
 - C. Watu watatu kwa kumi huepuka mitego.
 - D. Monika alipongezewa kwa wazazi wake.
22. Mkono wazi ni kwa ukarimu ilhali _____ ni kwa inda.
- A. jicho la nje
 - B. joka la mdimu
 - C. kifauongo
 - D. kisebusebu.
23. Chagua kifaa cha uhunzi
- A. fuawe
 - B. patasi
 - C. timazi
 - D. chetezo
24. Ni kundi lipi lenye sauti ghuna pekee?
- A. p, t, z
 - B. v, th, n
 - C. sh, l, w
 - D. b, d, g.
25. Wingi wa, 'Kiduka hicho kilifunguliwa jana'. ni:
- A. Maduka hizo zilifunguliwa jana.
 - B. Viduka hizo zilifunguliwa jana.
 - C. Viduka hivyo vilifunguliwa jana.
 - D. Maduka hayo yalifunguliwa jana.
26. Ni sentensi ipi sahihi?
- A. Hewala! Nitakusaidia.
 - B. Kefule! Naomba maji.
 - C. Oyee! Tumeshindwa.
 - D. Hamadi! Amekuja.
27. Miaka mia ni kwa karne ilhali vitu ishirini ni kwa _____
- A. kikwi
 - B. korija
 - C. mwongo
 - D. lukuki.
28. Chagua sentensi yenyeye kiwakilishi cha idadi:
- A. Mwanafunzi aliyesifika kwanza alimpata mwalimu wa pili darasani.
 - B. Mwalimu aliyetufunza mwanzoni alituuliza swali moja mara mbili.
 - C. Mwalimu aliyetufunza mwanzoni alitufanulia mambo kadha ya kutufaa.
 - D. Mwanafunzi aliyesifika kwanza alipewa medali na wa pili akapewa kitabu.
29. Ni sentensi ipi ambayo imetumia sitiari?
- A. Mwakio ni sungura siku hizi.
 - B. Moyo wake ulimwambia asirudi nyuma.
 - C. Muuguzi alisema atajifungua salama.
 - D. Nyaboke ni mpolo kama njiwa.
30. Ikiwa juzi ilikuwa Jumatatu, Jumamosi itakuwa:
- A. Kesho
 - B. Mtondo
 - C. Mtondogoo
 - D. Keshokutwa.

Soma kifungu kifuatacho kisha ujibu maswali 31 – 40.

Mfumo wa elimu nchini unatilia mkazo mafunzo mengine ambayo, japo yamo nje ya masomo ya kawaida, yanahusiana na kwenda sambamba na masomo hayo ya kawaida. Vyama vya wanafunzi shulenii vinachangia pakubwa kupidisha mafunzo hayo ya ziada

Vyama vya wanafunzi hutofautiana kulingana na majukumu. Mathalani, vipo vyama vya kidini, vya kitaaluma na vya michezo. Pia, kuna vyama vya kijamii kama vile Chama cha Kupambana na Matumizi Mabaya ya Dawa na vya kiuchumi kama vile Chama cha Wakulima Chipukizi.

Imedhihirika kwamba vyama vya wanafunzi vina manufaa ya kuhusudiwa. Hii ndiyo sababu shulenii, kila mwanafunzi anahimizwa kujiunga na angaa vyama viwili. Vyama vya wanafunzi huwasaidia kukuza vipawa na kuimarisha stadi za kujieleza. Haya hufikiwa kupidita kwa shughuli za vyama kama vile ukariri wa mashairi, mijadala, utegaji na uteguaji vitendawili, chemsha bongo na ulumbi. Aidha, vyama hivi huhimiza utangamano mionganii mwa wanachama kwani wao hujiona kuwa watu wenye mwelekeo mmoja. Vilevile utangamano wa kitaifa na kimataifa hujengeka.

Mwanafunzi ambaye amejiunga na vyama vya wanafunzi huweza kukabiliana na changamoto za maisha kwa urahisi kuliko yule ambaye hajawahi kujiunga na chama chochote. Katika vyama hivi, wanafunzi hufunzana mikakati na maarifa ya kutatua matatizo na mbinu za kuepuka mitego ya ujana. Kupidita kwa ushauri wa marika kwa mfano, mwanafunzi hushauriwa kuhusu masuala kama vile uteuzi wa marafiki, kuratibu muda, kujikubali na kuwakubali wenzake.

Hali kadhalika, mwanafunzi hujifunza maadili ya kijamii na kidini. Kupidita kwa vyama vya kidini na vinginevyo, yeye hujifunza kujistahi na kuwa na stahamala ya kidini, kitiakadi na kikabilii. Kadhalika, majukumu ambayo mwanafunzi huenda akapewa hupalilia uwajibikaji, uaminifu na kipawa cha uongozi. Hata anapohitimu masomo yake, mwanafunzi huyu huendeleza sifa hizi.

Vijana wana nafasi kubwa katika kukabiliana na maovu ya kijamii kwani wao ndio wengi zaidi. Kupidita kwa vyama hivi, wanafunzi wanaweza kuwahamasisha wenzao dhidi ya tabia hasi kama vile kushiriki mapenzi kiholela, ulanguzi wa dawa za kulevyaa na kuijingiza katika burudani zisizofaa. Pia, shughuli na miradi ya vyama hivi huwawezesha wanafunzi kutumia nishati zao kwa njia ya kujinufaisha na kuepuka maovu. Kwa mfano, wanaweza kwenda kukwea milima, kufanya matembezi ya kukusanya pesa za kuwafadili wahitaji, kuendeleza shughuli za kunadhifisha mazingira na kutembelea vituo vya mayatima na wazee.

Kushiriki katika vyama vya michezo hakumwezeshi mwanafunzi kuimarisha afya na kujenga misuli tu, bali pia huweza kuwa msingi wa kupata chanzo cha riziki baadaye. Wapo wachezaji maarufu ambaao walitambua na kuviendezea vipawa vyao kupidita kwa vyama vya aina hii, na hivi sasa wana uwezo wa kuyaendesha maisha yao na ya familia zao.

Ifahamike kuwa vyama vya wanafunzi vinapaswa kuwa msingi wa mshikamano na maridhiano. Visitumiwe kama vyombo vya kuwagawa wanafunzi kitabaka. Mwanafunzi hana budi kusawazisha muda anaotumia. Atenge muda wa shughuli za vyama na wa kudurusu masomo yake.

- 31.** Kulingana na kifungu, mwanafunzi akiwa shulenii:
- Hufunzwa mfumo sambamba, hufunzwa kupitisha mafunzo ya ziada
 - Hujiunga na vyama, hujifunza mfumo sambamba
 - Hufunzwa mfumo sambamba, hufunzwa taaluma ya vyama
 - Hujiunga na vyama, hujifunza taaluma mbalimbali.
- 32.** Katika aya ya pili, wazo kuu analozungumzia mwandishi ni:
- Aina za vyama vya kijamii
 - Majukumu ya vyama vya wanafunzi
 - Aina za vyama vya wanafunzi
 - Majukumu ya vyama vya kijamii.
- 33.** Chagua jibu lisilo sahihi kwa mujibu wa taarifa.
- Vyama vya wanafunzi huchangia kukuza ubunifu wa wanafunzi.
 - Vyama vya wanafunzi huchangia kukuza uzalendo wa kimataifa.
 - Vyama vya wanafunzi huwasaidia kuimarisha uzalendo na mahusiano mema.
 - Vyama vya wanafunzi huwasaidia kuimarisha uhusiano na nchi nyingine.
- 34.** Kifungu kinaonyesha kuwa ushauri na uelekezaji:
- Humwezesha mwanafunzi kujithamini.
 - Humsaidia mwanafunzi kupata marafiki.
 - Humwandalia mwanafunzi mpangilio wa kazi.
 - Humwondolea mwanafunzi mitego.
- 35.** Kwa mujibu wa taarifa, jibu linalodhahirisha maana ya methali, "Ukiona vyaelea vimeundwa," ni:
- Wanafunzi wakipewa nafasi ya uongozi huheshimu mielekeo ya wengine.
 - Wanafunzi wakipewa nafasi ya uongozi hujistahiki na kustahimili wengine.
 - Wanafunzi wakipewa nafasi ya uongozi huhimiza stahamala ya kidini baadaye.
 - Wanafunzi wakipewa nafasi ya uongozi huwa wa kutegemewa baadaye.
- 36.** Kulingana na kifungu, vijana wanawezza kudhihirisha uwajibikaji katika jamii kuitia:
- Kuwapinga walangizi wa dawa za kulevyia na kuepuka burudani.
 - Kufanya matembezi anuwi ya kukusanya pesa.
 - Kushiriki katika miradi ya kuwauni wanyonge.
 - Kuendeleza shughuli za kuhifadhi mazingira na kutembea milimani.
- 37.** Kifungu kimebainisha kuwa:
- Vijana ndio wanaoweza kushiriki mapenzi kiholela.
 - Vijana wanawezza kutumiwa kama msingi wa kustawisha vituo vya wahitaji.
 - Vijana wanawezza kutumiwa kama msingi wa kuadilisha jamii pana.
 - Vijana ndio wanaoweza kukabiliana na matatizo ya kijamii.
- 38.** Chagua jibu sahihi kulingana na kifungu
- Michezo huweza kumjengea mtu jina na kumwimirisha kiuchumi.
 - Wachezaji maarufu walianza kucheza walipojingga na vyama.
 - Wachezaji maarufu walianza kugundua vipawa vyao walipojingga na vyama.
 - Michezo huweza kumjengea mtu uwezo na kumwimirisha kiuchumi
- 39.** Maoni ya mwandishi katika aya ya mwisho ni kwamba:
- Vyama vya wanafunzi vinaweza kuvuruga usawa katika jamii.
 - Vyama vya wanafunzi ndio msingi wa kumsaidia mwanafunzi kutumia muda wake darasani.
 - Vyama vya wanafunzi vinaweza kuvuruga masomo katika darasa.
 - Vyama vya wanafunzi ndio msingi wa kuimarisha umoja na maelewano katika jamii.
- 40.** Kulingana na kifungu, "manufaa ya kuhusudiwa" ni:
- manufaa yanayowafaidi wengi
 - manufaa yanayowavutia wengi
 - manufaa yasiyosahaulika kwa urahisi
 - manufaa yasiyopatikana kwa urahisi.

Soma kifungu kifuatacho kisha ujibu maswali 41 mpaka 50.

Naikumbuka siku hiyo vizuri. Niliamka alfajiri mbichi tayari kuanza safari kutoka kijijini mwetu hadi Mji Mkuu. Hii ndiyo iliyokuwa mara yangu ya kwanza kuuzuru mji huu. Moyoni nilikuwa na bashasha isiyokuwa ya kawaida kwa sababu siku hiyo ningeona mji ambao sifa zake nilikuwa nikizisikia tu kutoka kwa wenzangu waliobahatika kuutembelea. Hamu ya kuona majengo maresu, barabara zilizosakifiwa, magari mengi, watu wa asili mbalimbali na mabustani ya starehe ilinigubika, nikawa sjifai kwa matumaini.

Nilitembea hatua chache hadi kituo cha mabasi, nikapata daladala moja iliyotoza nauli nafuu, nikaiabiria mpaka mji uliokuwa pua na mdomo kutoka kitongojini mwetu. Hapo nilitumainia kupata matwana ya kusafiria hadi Mji Mkuu. Kwenye stesheni kulikuwa na msongamano wa matwana na harakati za utingo waliokuwa waking' ang'ania abiria. Nikaingia katika matwana moja iliyoitwa Upopo. Nilikuwa abiria wa kumi na mbili kuingia. Baada ya dakika tano hivi, gari lilijaa abiria, wote kumi na wanne. Tukang'oa nanga. Mandhari ya kupendeza yalijikunjuu mbele yangu. Upopo mwanana kupitia dirishani, mpito wa kasi wa miti, mazigazi ...vyote vilishirikiana kunipumbaza kiasi cha kunisahausha kufunga mkanda wa usalama.

Baada ya robo saa utingo alidai nauli. Nikapeleka mikono kwa tahadhari kwenye **kibindo** changu ambamo nilikuwa nimezifutika hela za usafiri na masurufu. Nikatoa noti ya shilingi mia mbili na kumkabidhi utingo huku nikitaraja baki. Utingo alinikazia macho, akanyoosha mikono na kusema, "Mia zaidil" Nikarudi tena kwenye kibindo, nikatoa noti mbili za shilingi hamsini na kumpa. Safari ikaendelea.

Tulipofika mji mdogo wa Pitia, matwana ilisimama. Utingo aliinama chini ya viti, akatoa vibao na kuviweka baina ya viti vya kawaida. Kisha akaanza kutangaza, "Wa Jiji na mia; mia hamsini", Abiria walioonekana kuwa wachovu kwa kungojea na kupigwa na mzizimo wa kipupwe walipigana vikumbo kuingia, huku utingo akiwaelekeza kwenye vile vibao. Viti viliwyotengenezewa abiria watatu vikaishia kubeba abiria watano! Matwana nayo ikawa haina budi kustahimili uzito wa abiria ishirini na watatu. Tukawa tunabanana kweli kweli. Utingo naye alining'inia mlangoni, shati lake lapeperushwa na upopo. Nilipojaribu kulalamikia hali hii nilinyamazishwa hata na abiria wenzangu.

Gari likaa za mwendo tena huku likiendeshwa kwa kasi ya umeme. Abiria waliokuwa wakizungumza sasa walinyamaza, kila mmoja roho i mkononi. Kimya cha kaburi kikatawala hadi pale utingo alipomwambia dereva, "Weka ngoma." Muziki ukahanikiza hewani kwa fujo. Baadhi ya abiria wakaanza kuyumbisha vichwa kwa kufuata mdundo wa muziki ambao ulitishia kuvipasua viwambo vya masikio yangu.

Njiani tulikutana na walinda usalama ambao walitusimamisha. Utingo alishuka na kwenda chemba na mmojawapo wa hao maafisa, kisha akarudi huku kipaji chake kimenawiri kwa tabasamu. Akasema, "Nimempaka mafuta viganjani." Baadhi ya abiria walitikisa vichwa, wengine wakacheka kama kwamba wameona kinyago. Mimi nilibaki kuduwaan tu. Gari liliongeza mwendo na baada ya muda mfupi tukafika kwenye mji mmoja ambao ulikuwa na majengo makubwa makubwa. Nikadhani tumefika Mji Mkuu. Nilipomuuliza abiria jirani aliniambia kuwa huru ulikuwa tu mji mkuu wa Jimbo la Buraha. Tukazidi kuyakunja masafa ya safari hii kwa kasi ya kuogofya huku dereva akitafuna majani akiyatoa mfukoni mwa shati lake. Kadiri alivyoyatafunu ndivyo alivyozidisha kasi. Nikahisi kama gari linapaa juu angani. Nikataka kumwambia dereva jambo, lakini nikajiasa, "Ikiwa wengine wamenyamaza sembusue mimi?"

Baada ya kitambo kidogo mvua ilianza kunyesha. Kukawa na ukungu na utelezi barabarani. Abiria mmoja alimsihii dereva kupunguza mwendo. Haya hayakumgusa dereva mshipa. Aliongeza kasi kana kwamba hajasikia lolote. Gari lifikia kwenye kuruba, dereva akawa haoni vizuri. Ghafla nikasikia, "Kirr..!" Kisha, "Mungu wangu!" Halafu, "ngu!" **Kiza cha kaniki kikatanda.**

- 41.** Kulingana na kifungu;
- Wenzake Msimulizi waliwahi kupata fursa ya kuishi katika Mji Mkuu.
 - Barabara za Mji Mkuu hazina mashimo.
 - Mji Mkuu una majumba mengi mafuru.
 - Msimulizi ana mwao na hali ilivyo katika Mji Mkuu.
- 42.** Chagua jibu sahihi kuhusu vituo vya magari kwa mujibu wa aya ya pili;
- Wasafiri wengi kushindania nafasi.
 - Magari mengi kushindania wasafiri.
 - Misongamano mingi ya kutangazia wasafari.
 - Shughuli nydingi za kunadia nafasi.
- 43.** Mazingira ya kuvutia yalimwathiri Msimulizi kwani;
- Aliduwaa na kujisahau.
 - Alifurahia upopo na kujisahau.
 - Alizubaa na kupuuza sheria za usafiri.
 - Alipumbaa na kipinga sheria za usafiri.
- 44.** Msimulizi alikuwa amehifadhi pesa katika;
- Mfuko mdogo ndani ya suruali.
 - Mfuko mdogo mbele ya suruali.
 - Mkunjo wa nguo iliyoshonwa kiunoni.
 - Mkunjo wa nguo uliofungwa kiunoni.
- 45.** Katika mji wa Pitia abiria walipigana vikumbo kuingia garini kwa sababu;
- Kulikuwa na uhaba wa magari.
 - Kulikewa na uhaba wa viti.
 - Walikuwa wamechoka kungojea matwana Upopo.
 - Walikuwa wamepigwa na baridi na mvua.
- 46.** Kulingana na kifungu, ajali barabarani husababishwa na;
- ukosefu wa magari, kubeba abiria wengi.
 - kiburi cha madereva, kutozingatia maelekezo barabarani.
 - ukosefu wa mikanda ya usalama, madereva kutowajibika.
 - muziki wa kupasua viwanbo, madereva kutoona vizuri.
- 47.** Msimulizi ni mkakamavu kwa vile;
- Alishutumu hali ya gari kubeba abiria kuliko kiasi.
 - Alishutumu hali ya shati na uthingo kuning' inia nje.
 - Alinyamaza alipoona dereva akikaribia kuruba kwa kasi.
 - Alinyamaza alipoona uthingo akienda chemba na afisa.
- 48.** Chagua jibu lisilo sahihi kulingana na kifungu;
- Abiria wengine waliufurahia muziki garini.
 - Ufisadi unaweza kusababisha ajali barabarani.
 - Abiria wanaweza kuzua ajali barabarani.
 - Kuruba ndiyo iliyosababisha ajali garini.
- 49.** Ni mfuatano upi wa matukio ufaao kwa mujibu wa kifungu?
- Kucheza muziki, kukutana na polisi, kufikia kuruba, mvua kunyesha, kupata ajali
 - Kukutana na polisi, kuhonga, kucheza muziki, kufikia kuruba, kupata ajali
 - Kucheza muziki, kukutana na polisi, kuhonga, kufikia kuruba, kupata ajali.
 - Kukutana na polisi, gari kupaa juu, mvua kunyesha, kufikia kuruba, kupata ajali.
- 50.** ‘Kiza cha kaniki kikatanda’; kulingana na kifungu ina maana:
- Msimulizi akapoteza fahamu.
 - Msimulizi akapoteza uwezo wa kuona.
 - Kukawa na weusi mkubwa.
 - Kukawa na giza totoro.